



Sámi Dáiddáriid ja Girječálliid Buhtadusfoanda (SDGB)

NEAVVAGAT STIPEANDAOHCCIIDE

2025

Sámi Dáiddáriid ja Girječálliid Buhtadusfoanda fállá čuovvovaš stipeandaid
dáiddačehpiide, dáiddaduojáriidda, dáiddalaš govvideddjiide
ja
románačálliide, noveallačálliide, diktačálliide, lávllateakstačálliide, drámatihkkáriidda,
mánáidgirječálliide, čálliide, máinnasteddjiide, luohtedajáhusráhkadeddjiide

Bargostipeandda
Mátkestipeandda
Prošeaktastipeandda
Álggahanstipeandda
SGS ávnnasstipeandda
SDS čájáhusstipeandda
SDS ávnnasstipeandda
SDS stipeanda vuorrasat dáiddáriidda geat leat badjel 67 jagi

Dábálaš diedut

Jus galgá oazžut stipeandda, ferte ohcci eanas áiggi orrut ja doaibmat Norggas. Go orru heivvolaš, de sáhtá spiehkastit gáibádusas ahte ohcci galgá orrut ja doaibmat Norggas. Ohcci ferte maid leat (1) vuoigatvuođa oamasteaddji 50 siidui seamma čállošis dahje (2) bargan dáiddalaš bargguid muhtin áiggi. Ohccit geat eai leat miellahtut SDS dahje SGS fertejit duođaštit vuoigatvuođaid juogo omd. ohcama mielde sáddet kopiija mii duođašta čálloša nama ja sisdoallolisttu dahje duođaštit dáiddalaš doaimmaid. Sáhtá ohcat mánja stipeandda oktanaga. Stipeandalávdegoddi sáhtá sirdit ohcama ovttá suorggis nubbái jus dat lea ohccái ovdamunnin.

Stipeandaid birra

Bargostipeanda

Ulbmil bargostipeandain lea addit doarjaga sámi dáiddáriidda ja girječálliide geain ii leat bargošiehtadusa bokte ollesáiggebargu dan áigodagas masa stipeanda guoská. Bargostipeanda juolluduvvo dáiddáriidda ja girječálliide geat leat leamaš dáiddalaš doaimmain manimus vihtta (5) jagi. Bargostipeanda dieđihuvvo vearroiseválddiide, mákso mánnosaččat ja das gesso vearru.

Mátkestipeanda

Ulbmil mátkestipeandain lea movttiidahttit viiddis fágalaš oktavuodaide ja doaimmaide. Juogadeami oktavuodas biddjo eanemus deaddu bargohárjaneapmái ja dáiddalaš/girjjálaš doaimmaide manimus golbma (3) jagi. Stipeanda galgá dieđihuvvot vearroiseválddiide, muhto das ii dárbbas máksot vearru jus ohcci máhtá duođaštit ahte lea geavahan stipeandda mátkkiide.

Prošeaktastipeanda (girječálliide)

Ulbmil prošeaktastipeanddain lea addit doarjaga čállit mánusa ja girjjálašvuoda prošeavttaide nugo omd. (1) bálkán, (2) mátkkedoarjjan, dahje (3) eará goluide prošeavtta oktavuodas. Stipeanddas gessojuvvo vearru.

Álggahanstipeanda (girječálliide)

Ulbmil álggahanstipeanddain lea addit doarjaga sámi girječálliide geat leat álggaheamen iežaset doaimma. Stipeanda galgá geavahuvvot ruđalaš veahkkin ráhkadit bargolanjaid ja/dahje oastit bargolatnjii dávviriid.

SGS ávnnasstipeanda (girječálliide)

Stipeandda sáhtta geavahit oastit omd. dihtorbiergasiid, prográmmagálvvuid dahje eará rusttegiid maid dárbbáša čállinbarggus.

SDS čájáhusstipeanda

Stipeanda juolluduvvo doarjagan bargui sierračájáhusain, joavkočájáhusain gos dáiddarat servvolaččat čájehit iežaset dáidagiid oktanaga seamma sajis, dahje kollektiivačájáhusain gos dáiddáriid dáidagat leat bovdejuvvon. Ohcamušii ferte čállit dieđuid čájáhusbáikki ja goas čájáhus lea. Sáhtta oheat doarjaga čájáhusaide mat álggahuvvot dahje dollojuvvoat boahpte kaleandarjagis, muhto ii fal čájáhusaide mat leat álggahuvvot dahje leat loahpahunvot. Ohcci ferte leat čállán čájáhusšiehtadusa čájáhusbáikkiin, šiehtadusa kopijja galgá leat ohcamušas mielde. Maŋŋa go čájáhus lea geargan, ferte dáiddár sáddet sisa raportta.

SDS ávnnasstipeanda

Stipeanda juolluduvvo doarjagan oastit ávdnasiid mat dárbbáša go áigu ráhkadit dahje buhtadit dáiddabargguid. Sisaoastinbušeahta galgá ohcamušii čállit. Ii sáhte oheat oastit reaidduid ja viessodávviriid.

SDS stipeanda vuorrasat dáiddáriidda geat leat badjel 67 jagi

Stipeandda eaktu lea inspireret ja buktit ekonomalaš friijavuoda vai vuorrasat sámi dáiddarat, dáiddaduojárat ja dáiddalaš govvejeaddjit besset joatkit ja ovdánahttit dáiddalaš doaimmaideaset. Stipeandda maiddá sáhtta juolludit dan vuodul go lea ángiruššan searvebargguin mánggaid jagiid badjel. Stipeandda juolluduvvo vuosttažettiin ohcamuša vuodul, muhto SDS dahje SDS miellahtut sáhttet evttohit sámi dáiddára, dáiddaduojára dahje dáiddalaš govvejeaddji gii lea badjel 67 jagi. Stipeanda lea vearrogeatnegas, ja mákso guovtti oasis.

SDS stipeanddaid njuolggadusat

Dát stipeanddat leat sámi govvádáiddáriidda, dáiddaduojáriidda ja dáiddalaš govvideaddjiide. Ferte ohcamušii mielddustit duodaštusa 5-10 bargguin mat čájehit dáiddalaš doaimmaid. Duodaštus sáhtta leat govat. SDS Dáiddalaš Ráđđi lea fágalávdegoddi ja evttoha dán jagaš stipeandakandidáhtaid ohcamušaid ja dáiddalaš duodaštusaid vuodul.

Guoská buot stipeanddaide

- Stipeanda ii galgga juolluduvvot dutkamii dahje bargguide mat gusket dutkamii, mat dábálaččat gullet eará almmolaš ášahusaid vuollái.
- Stipeandda galgá álggahit juolludanjagis. Stipeandaáigodaga loahpas galgá čallot oanehis reporta barggu birra. Raportta čállá sierra skovvá oktan mildosiin.
- Stipeanddat leat persovnnalačča ja daid ferte oheat personnummariin, iige fitnodagain.
- SGS álggahan-, SDS čájáhus-, ja SDS ja SGS ávnnasstipeanddain ii gessojuvvo vearru, muhto diedihuvvo vearroieisválddiide. Dát stipeanddat máksojuvvoat guovtti oasis: álggus 75% go juolludanreivve oázžu, ja 25% go reporta lea sádden sisa oktan mildosiiguin ja dat dohkkehuvvo.

Stipeandaohcan

Ohcanskovvi

SDGB stipeanddaid ozat ohcanskoviin maid gávnnat Sámi Dáiddárráđi neahttasiiddus. Ohcamat mat bohtet maŋŋil go ohcanáigi lea dievvan, eai meannuduvvo. Dat seamma sáhtá dahpáhuvvat ohcamiiguin main váilot dieđut mat gáibiduvvojit.

(Jagi 2026 rájes SDGB áigo ráhpat digitála ohcanskovi, ja ii váldde šat vuostá ohcamuša maid lea deavdán báberskovvá ja sáddejuvvon poastta bokte.)

Ohcanskovvá deavdá: persovdnadieđuid, válljet makkár stipeanddaid ozat, ohcamušteaksta juohke stipendii, ja sáhtát mielddustit CV, govaid ja bušeahta.

Stipeandageavaheapmi

Galggat hui vuđolaččat čilget movt juohke stipeandda áiggut geavahit: du plánaid, du dáiddalaš jurdagiid, girjemánusa, prošeavttaid ja dárbbuid birra. Čále áigeplána stipeandaáigodaga, prošeavtta dahje mátkki ovddas. Juohke jagi bohtet ollu ohcamuša sisa, danin lea dehálaš ahte čálát dárkilis stipeandaohcama. Čále buot dieđuid maid gáibidit. Muite fal vuoduštit juohke stipeandda, jus ozat eanet go ovttá, omd. bargostipeanda ja mákestipeandda.

Jus máŋggas ohcet ovttas seamma prošeaktii doarjaga, galgá ohcan sáddejuvvot seamma skoviin. Movt sii gaskaneaset juogadit stipeandarudaid lea ohcciid iežaset duohken. Juogadeapmi čilgejuvvon ohcanskovis.

Mildosat

- CV mii čájeha dáiddalaš dahje girjjálaš doaimmaid
- Mildosat mat duodastit du dáiddalaš doaimmaid ja barggaid. Dáiddárat, dáiddaduojárat ja dáiddalaš govvejeaddjit sáhttet mielddustit gaskal 5 ja 10 gova mas leat vel dieđut dáidagiid birra (namma, jahki, ávdnasat dahje eará oanehaš čilgehus).
- Bušeahta čálát stipeandda sadjái. Jus lea dárbu sáhtát mielddustit sierra bušeahtta.
- Ale sádde rehketdoalu dahje eará dokumeanttaid ekonomalaš áššiid birra.

Jus oaččut stipeandda

Juolludeapmi geatnegahtta:

1. **Raporta:** Stipeandaoažžu lea geatnegas sáddet jagi loahpas čoahkáiduvvon raportta stipeandda geavaheamis ja stipeandda mearkkašumis foandastivrii. Juolludanreivve mielde čuovvu sierra raportaskovvi. Jus raporta ii sáddejuvvon ohcanáigemeari siste, ii meannuduvvo du boahktevaš ohcan.
2. **Almmuheapmi:** Girječállit gálget dáhtut lágádusa čállit čuovvovaš cealkaga girjái: *Čáli lea ožžon doarjaga Sámi Dáiddáriid ja Girječálliid Buhtadusfoanddas*. Go girji lea gárvvis, galggat sáddet ovttá girjii foandastivrii. Dáiddárat galget seamma láhkai diedihit čájáhuskatalogas, čájáhusa almmuheamis jna ahte lea ožžon doarjaga Sámi Dáiddáriid ja Girječálliid Buhtadusfoanddas.
3. **Maŋideapmi ja muhttašupmi:** Dus lea geatnegasvuohta geavahit stipeandarudaid dasa masa leat ohcan. Jus plánat earáhuvvet dahje du vejolašvuođat bargat ovddasguvlui muhttašuvvet, galggat seammás ohcat foandastivrras muhttašumiid dohkkehuvvot siskabealde daid eavttuid maid vuodul ožžot stipeandda. Jus it daga nu, fertet buot dahje oassi stipeandarudaid máksit ruovttoluotta.
4. **Eará doarjagat:** Jus oaččut doarjaga eará sajiin maŋŋil go ohcanáigi lea dievvan, fertet diedihit dan foandastivrii.

Mearriduvvon SDS ja SGS lágdegottiin čoahkkimis 30.08. 1990. Rievdaduvvon SDGB stivrras 17.09.96 go SDS ja SGS 1996 jahkečoahkkimis ášahedje ođđa stipeanddaid. Ođasmahttojuvvon SDGB stivračoahkkimis 25.01.2006. Rievdaduvvon SDS 2019 jahkečoahkkin mearrádusa mielde. Rievdaduvvon SDGB stivrras 2025, SDS jahkečoahkkin 2025 ja SGS stivrra lea dohkkehan.